



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ՍՈՐԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**

ք. Երևան, Խորենացու 7

« 3/ » մայիսի 2016թ.

Ո Ր Ո Շ ՈՒ Մ No. 986 /02

**Հարկ վճարողից ժամանակին չվճարված հարկային պարտավորությունների
գծով վճարման ենթակա գումարը գանձելու մասին**

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա.Մնացականյանս քննարկելով Ա/Ձ Մարինե Վանյանի վերաբերյալ վարչական վարույթի նյութերը.

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների Ա/Ձ Մարինե Վանյանի (ՀՎՀՀ 23133466, հասցեն ք. Երևան, Ն. Չարբախ 3 փող. 2 նրբ. 1 տուն) չկատարված հարկային պարտավորությունները 22.04.2016 թվականի դրությամբ կազմում են 248.695 դրամ, որոնք առաջացել են հետևյալ հարկատեսակներով՝

Եկամտային հարկի գծով պարտավորությունը կազմում է՝ 21.543 դրամ, որից ապառք՝ 20.000 դրամ, տույժ՝ 1.543 դրամ, որն առաջացել է 2015 թվականի դեկտեմբեր ամսից մինչ 2016 թվականի մարտ ամիսների կանխավճարի գումարներով:

Շրջանառության հարկի գծով պարտավորությունը կազմում է՝ 77.152 դրամ, որից ապառք՝ 66.916 դրամ, տույժ՝ 10.236 դրամ, որն առաջացել է 2015 թվականի 4-րդ և 2016 թվականի 1-ին եռամսյակների շրջանառության հարկի հաշվարկներով:

Ոչ հարկային եկամուտներ (ՀԴՄ) գծով՝ 105.000 դրամ, որն առաջացել է 29.02.2016 թվականի թիվ 6118321 ակտով:

Ոչ հարկային եկամուտներ (ՀԴՄ) 30 տոկոսի գծով՝ 45.000 դրամ, որն առաջացել է 29.02.2016 թվականի թիվ 6118321 ակտով:

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ Ա/Ձ Մարինե Վանյանի չկատարված հարկային պարտավորությունները գանձելու վերաբերյալ՝ «Հարկերի մասին» ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 16.05.2016 թվականին անհատ ձեռներեցը պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և որևէ բացատրություն չի տվել:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր և տուգանքներ:

Անհատ ձեռներեցի կողմից Ոչ հարկային եկամուտների (ՀԴՄ) գծով և Ոչ հարկային եկամուտների (ՀԴՄ) 30 տոկոսի գծով կատարվել են մասնակի վճարումներ և 19.05.2016 թվականի դրությամբ անհատ ձեռներեցի չկատարված հարկային պարտավորությունները կազմում են 102.214 դրամ, (շրջանառության հարկի գծով՝ 79.862 դրամ, որից ապառք՝ 66.916 դրամ, տույժ՝ 12.946 դրամ, եկամտային հարկի գծով՝ 22.352 դրամ, որից ապառք՝ 20.000 դրամ, տույժ՝ 2.352 դրամ), որոնք ենթակա են գանձման:

«Հարկերի մասին» ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն «Հայաստանի

Քանի որ հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Վերոգրյալի հիման վրա, ղեկավարվելով «Հարկերի մասին» ՀՀ օրենքի 29.1 հոդվածով, «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Ա/Ձ Մարինե Վանյանից գանձել 102.214 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ արդարադատության նախարարության դատական ակտերի հարկադիր կատարման ծառայություն:
3. Որոշման օրինակը եռօրյա ժամկետում ուղարկել /ֆիզ. անձին կամ/ հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. անձի/ պաշտ. անձի անուն ազգանուն

Իսկապես

Կատ՝. 2-րդ բաժնի առաջատար մասնագետ
Արմեն Հարությունյան, հեռ. 060- 54-91-83